

Kuv Txhaj Tshuaj Dawb lossis Luv Nqi Puas Tau?

DAIM NTAWV UUAV TSHUAJ NTSUAM TUS KHEEJ

Lub Txheej Xwm Uninsured and Underinsured Adult Vaccine (UUAV) yog ib qho kev pab txhaj tshuaj tiv thaiv kab mob pub dawb lossis luv nqi rau cov neeg nyob hauv xeev Minnesota uas muaj hnub nyoog 19 xyoos rov saud.

Koj muaj cai txais kev pab ntawm UUAV yog tias:

Koj tsis muaj ntaub ntawv pov hwm kev kho mob. Txhais tias, koj tsis muaj ib lub tuam txhab pab them nqi kho mob thiab tsis muaj Medicare lossis tsis muaj kev pab los ntawm Minnesota Health Care Program (MHCP) xws li Medical Assistance (MA) lossis MinnesotaCare.

Koj muaj cai txais kev pab ntawm UUAV rau qee yam tshuaj txhaj uas tsis raug pov hwm yog tias:

- Koj muaj ntaub ntawv pov hwm kev kho mob tiam sis nws tsis them nqi rau qee yam tshuaj txhaj.
- Koj muaj Medicare, tiam sis qhov kev pab ntawd tsis them nqi rau qee yam tshuaj txhaj.

Hu rau tus xov tooj uas sau rau nraum qab koj daim ntawv pov hwm kho mob Medicare kom paub tseeb tias yam tshuaj txhaj twg thiaj raug them.

Koj Tsis Muaj Cai txais kev pab ntawm UUAV yog tias...

- Koj twb muaj ntaub ntawv pov hwm kev kho mob lawm, tab txawm koj muaj qhov nqi deductible siab heev lossis muaj copay kuj xij.
- Koj muaj kev pov hwm kho mob ntawm xeev Minnesota (MHCP) xws li MA los yog MinnesotaCare.
- Koj muaj kev pov hwm kho mob ntawm Medicare uas yeej them tus nqi rau yam tshuaj txhaj ntawd, tab txawm koj muaj nqi deductible siab heev lossis muaj copay kuj xij.

Koj muaj cai tau txais tshuaj txhaj qee yam uas koj qhov kev pov hwm Medicare tsis them xwb. Hu rau tus xov tooj uas sau rau nraum qab ntawm koj daim ntawv pob hwm Medicare kom paub ntau tshaj qhov no ntxiv.

Kev pab ntxiv lwm yam:

- [Kev txhaj tshuaj rau cov neeg laus uas tsis muaj kev pov hwm kho mob lossis muaj tsis txaus:](http://www.health.state.mn.us/people/immunize/hcp/uuav/index.html)
(www.health.state.mn.us/people/immunize/hcp/uuav/index.html)
- [Kev them nuj nqi tshuaj txhaj ntawm Medicare:](http://www.health.state.mn.us/people/immunize/hcp/uuav/medicareimm.html)
(www.health.state.mn.us/people/immunize/hcp/uuav/medicareimm.html)

Minnesota Department of Health
P.O. Box 64975
St. Paul, MN 55164-0975
651-201-5522 or 1-800-657-3970
health.uuadultvax@state.mn.us

4/28/22 (Hmong)

Yog xav tau cov ntaub ntawv no sau ua tus qauv txawv qhov no, hu rau: 651-201-5414.